

1932-пи йислан мина удубчІвур. Йискьубаъ 52 номер удубчІвур. №1 (9085), 12-пи январь, жвуми, 2024-пи йис

Милли прессайин гележег ухькан асиллу ву



Урусатдин чап апІбарин йигъ 1991-пи йисхъанмина 13-пи январь къайд апІвур. Думу йигъ 1703-пи йисан Петр Сарпирин указдинди Урусатдиъ чапдиан саби газат удубчІву йигъахъди аьлакьалу ву.

Гьаму йисан Урусатдин чап апІбарин йигъ «Табасарандин нурар» газатдин редакцияин коллективди улихънаси аьшкьнинди къайд апІвурдар. Саб гъапиб, вари уьлкейиси, редакция-

йизра ккудубшу йис читинуб гъабхъну. Учу саки гьарсаб нумрайиъ Урусатди гъабхурайи хусуси метлеб аи дьвдин операцияийи иштирак шулайи ихъ эскрарикан, дурарин хьуркьуваларикан ва пашман дюшюшарикан бикІуз мажбур гъахъунчу.

Гъи Израили Сектор Гъазайиъ кІули гъахурайи дьвдин гьяркатарин натижайиъ жорбежор тешкилатарин улупбаринди, агъзраринди саламат инсанарихъди сабси, 65-рилан 89-

ина журналистарра гъийихну. Хусуси метлеб аи дьвдин операция-йи 4 журналист гъийихну. Му улупбари дьвйир гъабхъ тасдикъ дапІнайи къайдйир, гьадму гьисабнаан журналистар йивуз гъадагъа вуйивал, батІул апІвуриваликан кІура.

Сабсан учук гъалаб кипрайи себеб йислан йисаз «Табасарандин нурар» газатдин тираж ис абхърайивал ву. Гьамусяаьт тьлукъ адресариз вуйи ва газат урхрудари чпин аьшкьнинди апІвурайи подпискайин къадар 1200-тІан дар. Имбунуб учу, мюглет аи касарихъна гъягъюри, тІалаб ва миннатар апІври, арайиз хурайиб ву. Му саягъ дигиш дархъиш ихъ газат хъабкьювалихънара цїибтІан манзил гъубзридар.


Учу подпискайини фукъан зегъмет гъизигишра, ихъ ватанагълийириз газат подписка апІуз ккунди адар. Бязи гъунши миллетарин вакиларин милли прессайихъна вуйи янашмишвал ихъ халкъдин бабан чІалнинди удубчІвурайи газатарихъна, журналарихъна вуйи рафтарарихъди тевиш, кІулизра пашман фикрарра гъюру.

Газатдин гьюрматлу дустар! Эгер учу 2023-пи йисан аьхириз газат подписка апІуз хьуркьундарш, гьамусра кьан дубхънадар. Подписка апІуз магъарханай. Бабан чІалнинди гъяфтайиъ саб ражари вушра газат урхуз мумкинвалихъ жвув мягърум мапІанай!

Гьаму нумрайиъ

Вахт адапІай хушлуди ва мянфяаьтлуди 2

«Йиз хьуркьуваларин бина абйир-бабарин тербияйи ккивну» 3




Муртйирин кьимат ис апІбак пай кивра 4



Ответ на обращение на Прямую линию с Главой Дагестана 5

Машгъур аьлимарин бай ва худул 6



Литературайин маш 7

Цїийи йисан – цїийи дарамат 8



13-пи январь – Урусатдин чап апІбарин йигъ

Сагъу фагъум дюн'яйиъ гъалиб дубхъну ккун...

Умгъанат Сулейманова

13-пи январь – журналистикайин цирклиъ лихурайи пишекарвалин йигъ – багахъ шули, узу табасаран журналистарин арайиъ йиз нубатан макъалайин игит агуз хъюгънийза. Дупну ккунду, милли журналистикайиъ лихурайидарин сан-гьисаб улихъганси дарди, гъи думукъан аьхюб дар. Себебарра варидариз ашкар вухъуз – бабан чІалнинди урхуз-бикІуз аьгъюдар йислан-йисаз цїиб шулайиган, дид'инди маькалйир дикІуз ккунидар ва му ляхин уьрин пишеди ктабгърудар имбубсан кьит гъахъну.

Аьхирки узу табасаран шаир, мялим ва журналист Шюшеханум Керимовайихъди сюгъбат гъабхувалин дийигъунза. Думу гъи ихъ кьюбиб районариъ ва Дербент шагъриъ кІули гъягъру аьхюуб пай культурайин, чІалназ бахш дапІнайи ва жара жамьяатлугъ серенжемарийи жанлуди иштирак шула. Дидланра савайи, дугъу хайлин вахтна «Табасарандин нурар» газатдихъди яратмишвалин аьлакьйир уьрхюри гъахъну, хъасин газатдин мухбирдира гъилихну.

Узу Шюшеханум Керимовайихъди вуйи сюгъбатнаъ жорбежор темйир гъитирккунза... Сарун ярхи апІидарза, гъит дугъу чав варидикан кидибтри...

ЧІалнахъна ккунивал бай-вахтнахъанмина айиб вуйуз

Узу Табасаран райондин Вечрикк гъулаъ бабкан гъахъунза. Бицїивахтнахъанмина гьарган хлиъ китабар, журналар, газатар ади шуйиз. Йиз бицїи вахтари аьхю хизандиъ гьарсар бицїиризира чан гъайгъушна ади шуйи... Узура ихъ гъуларийи думуган аи ляхнар дургъури, абйир – бабариз кюмек апІври гъахъунза. Думу йисар кІваин апІруган, аьхюдарира, бицїидарира гьар вахтна фу-вуш цїийиб дубгъури, маракълуди вахтар гъаъру йисарси гьисаб апІурза. Мисалназ, сифте гашдин бархлар, цїиб вахтналан чІатху халачйир, кюмсер, хъасин иччи мурсларин халачйир урхури, вахтар гъаъри шуйча.

Ич терефнаъ гьалвар урхуз кьанди хъюгънийи. Гъацира, гьар хизандиъ думу вахтари газатариз, журналариз подпискара апІври шуйи. Советарин вахтари райондиъ удубчІвурайи газатар дурурхру касар ихъ гъуларийи адайи, гъапишра, кучІал даршул.

Гьамусяаьт фикир апІруган, думу вахтна китабар, газатар, журналарихъна вуйи маракълувал аьхюб вуйи. Азад вахт ккабхъубси, дурар хлиъ шуйиз. Халачи чкиди убхури гъахънушра, йиз уьмур халачачивализ бахш апІуз ккун гъабхъундайзуз. Йиз тухумдиъ мялимвалин пише кайидар гизаф айиган, узу сифте мялимвал ктабгъунза ва 1981-пи йисан Буйнагъск шагърин педучилище ккудубкІну, Курккарин кьялан мектебдиъ лихуз хъюгъюнза. Гьадму йисхъан хъюгъну, думуган райондин «Табасарандин нурар» газатдин редакцияйиз йиз шиърар хътауз хъюгънийза. Газатдин машарик дурар кми-кмиди каъри шуйи. Гъацира, бязи вахтари маькалйирра дикІури шуйза.

Журналистикайиъ сабни гамар

Воронеж шагъриъ яшамаш хъуз хъюгъиган, заан образованиейикан фикрар апІври, узу экзаменариз гъязур хъуз хъюгънийза ва журналистикайин факультет ктабгънийза.

⇒ 4

2024-пи йисан Социальный фонднан гьуллугъар

Гюльнара Мягьямедова

2024-пи йисан 1-пи январиланмина Урусатдин социальный цирклиъ шулайи цийивалариз агъалйир ккилигура. Социальный фондну пенсийрин индексация гъабхиди, бицидариз туврайи пособийрин къадарра за хьибди. Гьаму йисхъан башламыш дапъну, адаш – дада кечмиш хъувалихъди аьлакьалу вуди тувру пенсия ва улъкейин кафари терефариз ляхин гьапъдарин тажрубайиз дилигну иливру пул аьрза дарди тувуз хъюгъди.

Страховой пенсийрин индексация

Январин вазлилан башламыш дапъну, лихури адру пенсионерарин пенсийрин 7,5% индексация апъиди. Социальный фондну, индексация гьисабназ гьадабгъну, пенсияйин пул агъалйирин терефнаан аьрза адарди иливиди.

Къабивалиан пенсия гьадабгъурайиз 27 миллионтан артухъ агъалйирин пенсия гьар вазли къялан гьисабниинди 1,6 агъзур манатдин за хьибди. Натгъайиз, лихури адру пенсионериз гьар вазли гьюрайи пенсияйин къялан къадар 23,4 агъзур манатдинна дубчъвур.

Лихурайи агъалйириз гележегдиъ тувру пенсияйин индексация

Гьаму йисан январин вазли лихурайи агъалйиризра гележегдиъ тувру пенсийрин пулин индексация гъабхиди. Думу ляхин страховой пенсия арайиз гьюру пенсионный коэффициент 7,5% за хъувалиинди арайиз гъибди. Коэффициентдин кьимат 123,77 манатдиан 133,05 манатдинна за хьибди. Пенсияйин иливру улупнайи къадар пул 7567,33 манатдиан 8134,88 манатдиинди артухъ хьибди.

Бицидарин пособийрин къадар артухъ хьибди

Гьаму йисан январин вазли туврайи пособийрин къадар дигиш хьибди, яшамаш хьпан бадали тьяин дапъну улупнайи, чарасуз лазим вуйи къадарра за гъабхъну, мисал вуди гьадабгъиш, гьамусьяат Социальный фондну 10,7 миллион бицидарин абийр-бавариз ва 390 агъзуртан артухъ гъагъдиъ айи дишагълийириз туврайи саб вуйи (единный) пособийр. Туврайи пособие, гьарсаб региондиъ, гьарсар бицидариз ва ляхин апъуз удукъру инсандиз яшамаш хьпан ба-

дали улупнайи чарасуз лазим вуйи къадар пулихъди аьлакьалу ву. Регионариъ яшамаш хьпан бадали чарасуз лазим вуйи къадар пул за гъабхъган, туврайи пособиийин къадарра за шулу.



Бицидариз хъайивал апъбаз туврайи пособие ляхниз удучъвиганра тувра

Эгер бицидарин сад йисна гъацъ хъайиз дада ляхниз удучъвиш, 2024-пи йисан январихъан башламыш дапъну, бицидариз хъайивал апъбаз туврайи пособие гьюри гьубзра. Цийи къайда гьадму гьисабнаъди бегъем дару рабочий йигъаз ляхниз удучъвишра, хул ан ляхин апъурашра, манзилнаъ ляхин апъурашра, къувватнаъ гьубзра. Пособие, бицидариз хъайивал апъру отпускдин вахтна дада жара ляхниз удучъвишра, туври гьубзра. Мидланра савайи, 1-пи январихъанмина сакъат бицидариз хъайивал апъурайи абийр-бавар, дурар уьрхюрайидар жикъи вахтназ ляхин апъуз удучъвишра, гьадму гьисабнаъди хул ан ляхин апъурашра, гьар вазли гьюрайи

пулин къадар айиси гьубзра. Думу къайда бицидариз хъайивал сабпи дестейин инвалид бицидариз, сакъат бицидарин 18 йис тамам хъайиз гьар вазли 10 агъзур манат гьюрайидариз кайиб ву.

Ицрушнаан ляхин дарапърайи ва декретдиъ айи вахтна тувру пул за апъбакан

2024-пи йисан декретдиъ айи вахтна ва ицру духъну больничныйдиз удучъвнайигандин пособие ва туврайи

питадин къадар 44 агъзур манатдин за хьибди ва дидин къадар 630967,72 манат тьяин апъиди, кьюрпи бицидариз туврайи дадалан капиталин къадар 58 агъзур манатдин за хьибди ва дидин къадар 833800,37 манат тьяин апъиди. Эгер хизанди дадалан капитал адабгъну, пул харж гьапънуш, пулин имбу пайтлан индексация апъидар. Мисал вуди гьадабгъурхъа, дадалан капиталин сертификатдин 135 агъзур манаттан илимдарш, гьадму къадар пул 7,5 процентдиинди за апъиди. Дадалан капиталъиъ фукъан пул имиш, «Госуслуги» порталъиъ аьгъю апъуз шулу.

Дадалан капитал Урусатдин ватандашариз

2024-пи йисан 1-пи январихъанмина дадалан капитал бицидарин хъайиз Урусатдин ватандашвал айидаризтан тувра.

Яшар духъну пенсияйиз удучъвбахъна вуйи тлаабар

2024-пи йисан яшар бегъем духъну пенсияйиз удучъвбахъна вуйи тлаабар гьамар ву: 58 йис тамам гъабхъи дишагълийир ва 63 йис тамам гъабхъи жилар гьаму йисан пенсияйиз гъагъди.

Гьацира страховой пенсия гьадабгъбахъна вуйи тлаабарра дигиш хьиди: страховой пенсия гьадабгъбан бадали, аскан гьисаб 15 йисан ляхин апъбан тажруба ва пенсионный 28,2-къан коэффициент лазим ву.

Гьаму йисхъан башламыш дапъну, Социальный фондну яваш-яваши саб вуйи цифровой платформа ляхник кипра. Думу социальный цирклиъ айи жорбегъор месълийр гьал апъбаз яркъуди ишлетмиш апъиди.

Гьадму цифровой платформайин гьурулушдин саб пайси, январин вазлихъанмина игътияж айи агъалйирин Федеральный сиягъ (реестр) гьазур апъуз хъюгъди. Дидин улупбари гьюкуматдин терефнаан кюмек лазим вуйи агъалйир гьадгъиди ва дурариз кюмек тувди. Реестри зегъметнан, дявдин женгарин ветеранариз, гизаф бицидар айи хизанариз, йитгим бицидариз, студентариз ва агъалйирин гьадму жюре гъатариз кюмек тувди.

2024-пи йисан гьюкуматдин терефнаан Урусатдин агъалйирин яшайишдин шартлариз фикир туври, Социальный фондну ухъуз гьамцдар мялуматар тувра.

Вахт адапъай хушлуди ва мянфяаьтлуди

Гюльнара Мягьямедова

Гьар йисан 8-пи январь Урусатдиъ бицидариз вуйи фильмийрин йигъ къайд апъури шулу. Думу йигъ ккудубшнушра, кьваин апъувал ихъ вазифа ву. 1946-пи йисан 8-пи январь, Ватандин Ахъю дяви ккудубкълан къяляхъ, Ленинграддиъ (гьамус Санкт-Петербургдаиъ) бицидариз вуйи сабни кинофестиваль ачмиш гъабхъийи. Гьадихъанмина фестиваль аьдатнаъ учъвну, ва фестивалъи гьар йисан бицидариз ужударсар фильмийр уч апъура.

Бицидарин кино – думу тербия тувбан къуватлау дакъат ву. Бицидариз вуйи фильмийри дустваликан, хизандикан, зегъметнакан, дугъриваликан ва жавабдарваликан дарсар тувру.

Советарин Союздин деврий бицидариз ва набалугъариз йисандин арайиъ 30 фильм адагъури гъахъну. Элгъет йигъари ва тятъиларин вахтна кинотеатрариз гъачъниндин вахт бицидарин кино ва мультфильмийр улупбаз жара апъуйи. Хъа ахъю шагърариз бицидариз вуйи фильмийр улупру кинотеатрарра кмиди айи. Мягъачъгъалайиъ дициб кинотеатр «Комсомолец» вуди гъабхъну.

Академик Сергей Капицайи гъапиганси, культура гужниинди тербияламыш дапъну ккуниб ву, даршиш фагъум хътру насил аргъаь хьибди. Дугъриданра, культурарихъна вуйи ккунивал бицидариз имиди тербияламыш дапъну ккунду.

Советарин Союздин вахтна Аркадий Гайдарин «Тимур ва дугъан

десте» повестдин бинайинди бицидариз гьазур дапънайи фильм, варжбан лигурушра, даккун шлуб дайи. Думу фильмдиъ улъкейихъна, советарин гьюкмихъна, инсанарихъна вуйи ккунивал къадарсуз ахъноб вуйи. Дидиз лигури, мектебариз айи бицидариз Тимуринсар дестийр дюзмиш дапъну, касибвал кайи, сакъат инсанар айи хизанариз кюмек тувуйи. Бицидариз ади гъахъи фильмийр гьамдинди ккудукъурадайи. Тербия тувру, махъварин бинайинди гьазур дапънайи фильмийрра гизаф айи. Бицидариз вуйи гьарсаб фильмдиъ инсандиз чъуруб, угъривал, кучълал дапъну даккниваликан, ахъюр-бицидарин гьюрмат дюзбу ккуниваликан ва гьацдар жара къайдийрикан ктибтуйи. Саб гафниинди, бицидарин кьваъ ргъимлувалин гьиссар тербияламыш апъуйи.

Гьелбетда, гьамусдин девирра жарав ву, бицидарра, бицидариз улупру фильмийрра, мультфильмийрра жарав ву. Гьийин деврий кинематограф



даабхнадар, вушра советарин деврин вахтнахъ дидхъан хъубкъуз шулдар. 1991-пи йисхъанмина хайлин фильмийр, мультфильмийр адагъна. Вушра Советарин Союз дабгъбахъди аьлакьалу вуди, ихъ умриз бицидариз вуйи жара улъкийрин хайлин мультфильмийр, художествуйин фильмийр гъафнийи. Белки гьадму вахтна ихъ улъкейин культурарин артмишвализ, кинематографдиз деебтурайи пулин дакъатарин къитвалара чан ляхин гьапънуш. Гьелбетда, ахъю яшнан инсанариз къабулди даршра, бицидар харижи улъкийрин мультфильмийрин машгул гъахъну. Хъа мобильный телефонар ихъ умриз гъафихъанмина, бицидариз ва жигъилари чпин вахт телефондиъ учъвну адапъура. Кючийриз дуста-

рихъди, чпин тагарихъди тамшир апъуз удучъувал имдар. Улихъна вахтари бицидар кючийриан хулаз хуз шулдайи, дурарин чпиз улъ ипъру вахт дубхънайиваликанра кьваълан гъабгъуйи.

Жьуван бицидарра хъади киноиз гъагъюб важибу ляхин ву. Думу бицидаризра, абийр-баваризра хушлуди ва мянфяаьтлуди адапъурайи вахт ву. Кинойин гьюбан къяляхъ гьилигу фильмдикан, ясана мультфильмийкани улхури, фу къабул гъабхънуш, фу цийиб гьудубгънуш, сюгъбат гъабхури ккунду. Гьадму фильмдиз гьилигу вахттан, сюгъбат гъабхру вахт бицидариз маракьлу ва мянфяаьтлу хъуз мумкин ву. Фицики аьгъовалар ва тербия тувувал абийр-баварин вазифа ву.

Мягячгъалайиь феввалихъан аквар кархъди

Наргиз Голечова

2023-пи йисанавгустдинвазлахъанминагъийин йигъазкъан Мягячгъалайиь аквар кутлушувалин дошошар республикайин муниципалитетариь гизаф арайиз гъюрайивализ лигнугу, Урусатдин Госсветдин транспортдин цирклиан вуйи совещаниейиь иштирак гъахъи Дагъустандин Глава Сергей Меликовди, республикайин электроэнергияйин цирклиан читин гъялнан кидибтну, федералин терефнаан кюмек кун гъапнийи. Гъаддин къяляхъ федералин бюджетдин республикайиз 1 миллиардна 208 миллион манат пулин субсидийр тувнийи. Гъаддикан 870 миллион манат Мягячгъалайиь айи электроэнергияйин циркил рас аплуз жара гъапнийи, хъа имбуну къадар – муниципалитетарин арайиь пай гъапнийи.

Хъадан манишнариан аквар кутлушувалин дошошар республикайин муниципалитетариь гизаф арайиз гъюрайивализ лигнугу, Урусатдин Госсветдин транспортдин цирклиан вуйи совещаниейиь иштирак гъахъи Дагъустандин Глава Сергей Меликовди, республикайин электроэнергияйин цирклиан читин гъялнан кидибтну, федералин терефнаан кюмек кун гъапнийи. Гъаддин къяляхъ федералин бюджетдин республикайиз 1 миллиардна 208 миллион манат пулин субсидийр тувнийи. Гъаддикан 870 миллион манат Мягячгъалайиь айи электроэнергияйин циркил рас аплуз жара гъапнийи, хъа имбуну къадар – муниципалитетарин арайиь пай гъапнийи.

Тувнайи пулин къадар сад йисандин арайиь ляхнар гъахуз клури деетнайиб дар. Гъадму къадар дакъатар 2026-пи йисазкъан республикайин энергетикайин гъурулушдиь расвалин ляхнар духну ккудуклбанди тувнайидар ву.

Федералин терефнаан дуфнайи субсидийр ишлетмиш аплури, ноябрин вазлахъанмина республикайин меркездин акварин цирклиь расвалин ляхнар ккерегъна ва, дицдар ляхнар клури гъахурайиган электикариь хагъа дархъбан бадали, гъар йигъан пландинди шагърин кюйириь аквар кутлушвур.

Аквар кутлушвбахъди вуйи агъвалат йигълан-йигъаз читин шула. Янаки кюрдун вахт вуйивализ лигнугу, хулаъ я акв, асана манишин адарди гъузрайи хизанарин къадар циб дар. Гъаддиз, мициб агъвалатнан гъякъ-

наан инсанар гъавриь тгъбан бадали, 9-пи январь республикайин электроэнергияйинна тарифарин министр Марат Шихалиевди хъди, «Россети Кафари Кавказ» – «Дагэнерго» ПАО-йин филиалин директор Мягямедгъябиб Мухумаевди хъди ва Мягячгъала шагърин электростетарин клуриь айи Мягямедшапи Шапиевди хъди журналистарин пресс-конференция гъабхъну. Конференция, Мягячгъалайин энергетикайин гъурулушдиь гъахурайи расвалин ляхнариь бахш дапнайи вуйи.

Конференция ккебгъри, Марат Шихалиевди гъапганси, акварин гъякънаан гъамусяьт инсанариь кайи читинвалар циркил цийи алаплуз ляхнар тамам аплурайивалиан дуфнайидар ву. Республикайиз артухъди дакъатар тувбийинди гъи Мягячгъала шагърин 72 энергетикайин объектариин расвалин ляхнар гъахура. Дивнайи пландинди, феввалин аьхириькъан расвалин ляхнар давам хъиди ва вари гъурулушдикан 30%-къан цийи хъибди. Гъийин йигъаз 26 ток гъюру центрарин 160-тлан артухъ мегавольт-амперин къувват артухъ дапна, 300 километр тлан артухъ ситар гъюдюхна ва 370 трансформаторарин подстанцийр рас дапна.

Къайд аплуз лазим вуйи, расвалин ляхнар хъад гъяйиз дирчну клури, дюз шуладайи, фицики, асас вуди Мягячгъала шагърин энергетикайин гъурулуш саки 75% йирси дубхъна ва гизаф аьхлушнар гъахъиь, аквар кутлушвувал хъанара артухъ хъуб



мумкин вуйи. Гъаддиз, бици вахнан арайиь лазим вуйи вари алатар масу гъадагъну, республикайин энергетикайин гъурулушдин пишекарарикан ибарат вуйи швнуб-саб бригадайи расвалин ляхнар тамам аплуз хъюгъна.

Конференцияйиь иштирак гъахъи Мягямедгъябиб Мухумаевди къайд гъапганси, федералин бюджетдиан вуйи субсидийрин дакъатар гъяйиз, республикайин вари муниципалитетариь чвлинна кюрдун вахтнахъна гъазур аплбан ляхнар, айи 548 миллион манатдин дакъатарихъ, аьхириькъан духну ккудуклнайи.

«Республикайиз 1 миллиардна 208 миллион манатдин субсидийр тувиган, аьхлушин вая манишин хъпахъди аьлакьалу вуди, энергосетариз гуж алабхъиган, сабпи нубатнагъди фуну муниципалитетариь аквар кутлушвураш лигнугу, расвалин ляхнар гъадшварихъ гъабхъан йикъар гъапнийи. Му терефнаан читин гъялнаъ саки 20-дихънакъан муниципалитетар а. Гъадрадин

арайиь Мягячгъала, Дербент, Хасавюрт, Къизилюрт шагърар ва Хасавюрт, Къизилюрт, Мягярамкент, Къарабудагкент, Буйнагъск, Дербент, Гуниб ва хъанара жара районар а.

Зийхъ къайд гъапганси, республикайиз жара гъаплу субсидийрин къадарнак 870 миллион Мягячгъалайин энергокомплекс цийи алаплуз харж апиди. Мягячгъалайиь айи 148 фидерикан, 100% ужуб гъялнаъ а пуз шлуб гъич сабкъан адар. Умуд кивраза, 2026-пи йисаз му цирклиан вари ляхнар тамам дапну, цийи алауз удукъиди», - гъапну Мягямедгъябиб Мухумаевди.

Конференцияйин иштиракчиьрин гафариинди, феввалин аьхириьриь «Россети Северный Кавказ» – «Дагэнерго» ПАО-йин бинайиин инсанариькъан аьзйир къабул аплури call-центр тешкил аплуз планламиш дапна. Центр тешкил гъапбан, пландинариь вая авария дубхъну аквар кутлушвбаан вуйи мялуматар вахтнинди инсанариькъан руькиди.

Яв баяр, Табасаран

«Йиз хъуркъуваларин бина абйир-бабарин тербияйи ккивну»

Мейлан Нежефов


Табасаран халкъ зигъимлу, бажаранлу, зегъметкеш инсанариь хъди гизаф девлетлуь ву. Аьхю Урусатдин фуну юрд гъадабгъишра, душваъ табасаран халкъдин вакилар дихъуру. Дурар жюрбежюр циркларихъ лихура. Ва кми-кмиди чиб лихурайи йишварихъ дурари варидарин гъюрматра гъазанмиш дапнади шулу. Ихъ халкъ адлу аплурайи дицдар инсанариькъан мялуматар уларикк ккахъруган, юкИв гизаф шад шулу.

Гъацир сар ихъ ватанаягълийикан гъаму макъалайиь узугура ктибтуз ккундузугу. Думу Асккан Яракк гъулан вуйи Шихгереев Расул Амирчубанович ву. Расул 1994-пи йисан къавларин хизандиь бабкан гъахъну. Амирчубанди ва Нарсиятдин кюлфетдиь юкьур велед гъахъну, дурарихъ Расул кюьрпир ву.

2001-пи йисан думу Асккан Яраккарин къялан мектебдин сабпи класдиз гъягъюру. 2011-пи йисан Расул мектеб «гъизилин медализ» ккудуклуру. Гъадму йисан думу Урусатдин улихъ хъайи рякъярин университетдик (Ростовский государственный университет путей сообщения) кучИвру. 2016-пи йисан Расул университет уьру дипломдинди ккудуклуру ва думу руькан рякъярин транспортдин инженерин пишейин эйси шулу. Чан асас пишекарвалин агъювалар гъадагъбахъди сабси, дугъу университетдин военный кафедрайиь «руькан рякъярин къушмар» пишейиан агъювалар гъадагъуру. Думу кафедра ккудуклиган, Расулиз лейтенант ччвурра тувру.

Университетдиь урхурайи вахтна ихъ жигъил ватанаягъли дидин жямаятлуь уьмриь зиреклувалинди иштирак шули гъахъну. Шубуд йисан (2013-2016) студсоветдин председатели лихури гъахъну. 2015-пи йисан Дондин дагъустанлу жигъиларин комитетдин председатели ктагъну. Ихъ бажаранлу жигъил «Машук», «Таврида», «Селигер», «Каспий», «Ростов» жигъиларин форумариьра иштирак гъахъну. Расули, швнуб-саб грантарин гъалибчи вуди, жямаятлуь, экологияйин, туризмийн ва жара проектар юрутмиш гъапну. 2015-пи йисан думу Ростовский областдин вари студентарихъ «Йисандин студент» гъахъну. Му гъядисайикан СМИ-йира гъибиклу.

Пишекарвалин рякъ Расули Ростов-Товарный станцияйиь вагъунар гъягъбан гъяракат албагъру



вуди ккебгъну. Университет ккудуклбахъан, думу ляхниз Астрахандиз гъаьну, ва гъийин йигъазра Расул гъадушваъ лихура. Чан ляхнигъ улихъна гъягъюри, жигъил пишекар вагъунарин составар дюзмиш аплуриькъан ва руькан рякъярин аьхю станцияйин дежурнийихъан, «Баскунчак» руькан рякъян станцияйин клуриь айирин заместителиькъанкъан рякъ ккадапну. Гъамусяьт думу Приволжский руькан рякъян Астрахань-2 аьхю станцияйин клулин инженерди лихура. Станцияйин коллектив, Расул Шихгереевдин гафариинди 1437 касдикан ибарат ву, ляхин гизаф читинуб ва жавабдарлуь вушра, коллектив ужуб ва албагъу ву.

Гъацира Расули областной Думайин депутат Анастасия Журавлёвайин (партия «Цийи инсанар») кюмекчиди ляхин аплура. Думу гъацира Астраханский областдин жигъиларин правительствийин членра ву.

Расули жямаятлуь ляхнарикан макъалиьрра диклури ва ерли газатарихъ чап аплури шулу: («Халкъарин дуствалиь – Урусатдин сатИвал», «Халкъарин арайиь ислаягъвал умрин бина» ва гъ.ж.).

Ихъ бажаранлу ватанаягъли «Табиаетдин дихна» экологияйин проектдин авторра ву. Думу проект, Астраханский областдин правительствийиь вари процедурийр юрутмиш дапну, гъамус РФ-дин президентин грантдиз хъадапна. Проект асас вуди Астраханский областдин жюрбежюр мурчварихъ чру паркар кивди. Проект уьмриь кючюрмиш аплбан бадали, вари гъазурди а. Паркариь 200 гъар, аллеийр, кюкйир, СВО-йин иштиракчиьрин хизанариькъан гъийиху эскрарин ччвурнахъ гъарар кивбанди ву. Гъацира спортдин майднар, фонтанар дюзмиш аплуз кка. Хъа варитлан асасуб – шагърин шубуб. Гъар паркдиь хусуси метлеб айи дьвдин операцияйин иштиракчиьриь гюмбетар дивди.

Расули клурайиганси, вари гъаму ляхнарик областдин ва шагърин бюджетдиан саб манатра кадар. Дурар дустарин къуватарихъди ва дакъатарихъди аплурайидар ву.

Расул бажаранлу, искусствийин юкИв али къавларин хизандиан ву. «Гъарсар бициринси, йиз къялягъра адаш ва дада хъа. Йиз фикриан, сабпи нубатнаъ гъадму кюьр кас ву бицирин кИваъ ужвал, рягъимлувал, гъюрматлувал урзрудар.

Айибдин гъадри хъуб, жарадин мал-мутму гъитИтИбклуь ва чIур дараплуь, кучIал дараплуь, гъадрари узухъди пай гъаплу чпин уьмрин тажруба ву. Саб читинвализра дилигди, гъагъиди алабхъурайиб учузкъан агъю дарапиди, дурари чпин бицидариз ужударстар вузариь урхуз мумкинвал тувну. Хъа учуз вари ряккъюрайчуз. Вариьдин гъаври айча. Сабдин рази вуза гъи: учуз гъауриь дурарин жафа квиматлу вучуз», - клура Расули. Дугъу чаз гъациб тербия туву, адашдизна дадайиз кИвантлан баракаллагъ клура.

Гъациб хизанди тербия гъадабгъу дугъазра, гъелбетда, жвуван культура, жвуван чIал, тарих гизаф багахъ ва багъалу ву. Ватандихъан ярхла юрднаъ ашра, юкИв айи касдиз дурар кИваълан гъягъюь мумкин вуйи ляхин дар. Дугъу багъри ватандиь фу хабрар аш, думу фици артмиш шулаш, гъарган фикир туври шулу.

Расули сар риш а. Дугъу чан веледдизра табасаран чIал улупна.

Баракаллагъ гъамцдар ихъ баяриь. Дурари ярхла юрднаъ ихъ халкъ ужудар терефариькъанди улупура, ихъ халкъдиз, абйир-бабариз разивалин гафар пуз мумкинвал арайиз хура.

Сагъу фагъум дюн'яйиъ гъалиб дубхъну ккун...

1 ←

Му шагърин университетдиъ думу вахтна му факультетдик кучИврайидари харижи улкейи члалнан экзамен тувну ккундиди (10-пи классдин программийинди). Узу мектебдиъ 5-6-пи классариъ француз члал ахтармиш гъапИниза. 10-пи классдин программийинди узхъан экзамен тувуз хъибдар кIури, документар тарихдин факультетдиз тувниза ва 1991-пи йисан думу факультетдин урхуб ккудубКунза.

Белгородский областдиъ яшамии шулу вахтна райондин газатдиз макъалийр хътаури гъахъунза. «Родной край» кIуру газатдин 70 йисандин юбилей къайд аIуру вахтна штатдиъ адру мухбирарин арайиъ гъубшу конкурсдиъ 2-пи йишв гъадабгънийза. Сабпи йишв гъадабгъур Ватандин Ахью дяддин иштиракчи вуйи. Думу вахтна узу йиз кIваз тясир гъаIу уждар гъядисйирикан, инсанарикан, узу лихурайи мектебдиъ ва узу яшамии шулайи гъулаъ гъушу серенжемарикан бикIури шуъза. Йиз фикриан, журналистикайин факультет ккудубКуншра, му пишейихъ юкIв хъади, инсанди чан агъювалар артухъ аIури гъахъиш, ляхин аIуз шулу. Гъацира, му кеснахъ хъайи вахтна журналистдин вари терефарихъан агъювалар артухъ шулу.

Газатдиъ лихувал

Узу 2015-пи йисан 1-пи ноябрихъан «Табасарандин нура» газатдиъ лихуз хъюгъийза. Дупну ккундуки, саби вахтари читинди алабхънийзуз. 31 йисандин арайиъ ихъ члал аIуру инсанар тек-бирра адру юрднаъ яшамии шулу гъахъиган, макъала бикIури вахтна словарарихъинди илтIикIури гъахъунза. Багахъ гъарашугъар хъадру вахтна, увуз кюмек аIурур фуж шулу? Гъацира, жарадарихъан гъерхайиз, йиз фикриан, китабарихъинди, словарарихъинди илтIикIуб хайирлу вуйибси гъисаб аIуруза. «Агъювалари гъюнариз илзигурдар» кIуру мисал а. Дурар наан вушра, фила вушра герек шулу. Агъюваларихъана маракълувал аи инсандиз тIагъру хъуз вахт

шулдар. Узу лихуз хъюгънайи вахтна «Дагъустанлуйири Урусат гъюбхну» кIуру тематиз вуйи макъала бикIубан бадали, саб гъафтайи интернетдиъ аи материал ахтармиш аIури, таниш инсанарихъан думу вахтан гъядисйирикан гъерхри гъахъунза. Ихъ республикаийин жара гъюкуматарин вуйи террористар алархъу вахтна узу Дагъустандиъ адайза. Телевизориан гъабкъну кIури, макъала бикIуб думукъан рягъятди дар. Думуган гъар вазлин пландик террорихъди женг гъабхъаз вуйи тема кади шуъи. Гъаддиз Дербент шагъриъ аи вари тешкилатариъ гъагъру серенжемариъра иштирак шулу гъахъунза.

Юкъуд йисандин арайиъ газатдиъ дилихну, йиз балин теклифниинди, Москвайиз гъушнйиза. Хъа йиз фикриан, йиз 75 йис хъайизкъан газатдиъ лихуз ккайза. «Инсанди планамииш аIуру, хъа Аллагъди чан йишв'ин дивру» кIурира шулу...

Ужур журналист хъпан бадали инсанарихъана гъюрматлувалиинди илтIикIури ва чан агъювалар артухъ аIуз чарйир зигури ккунду. Фуну пише гъадабгъишра, йисаринди цIийи агъювалар адарди лихури гъахъиш, натижара гъациб шулу. Газатдиъ лихурайи йисари швнур-сар уждар ихъ табасаранлуйирихъди таниш гъахъунза. Уждар инсанарикан дибикIу, узу гъибикIуб дурариз къабул гъабхъиган, увуз узу варитIан бахтлу инсани гъиргъуйзуз. Газатдиъ лихуз хъюгъну миди узу макъалийр жикъиди дикIури шуъза. Гъацира, мушваъ яшамии хъуз хъюгъийиз, Дербент шагъур танишуб дайзуз. Шагъур дубгъайиз, инсанарихъди таниш хъайиз, ихъ халкъарин уъмрихъна вуйи лигбарин гъавриъ хъайиз, читинди алабхънийзуз.

Мяливалин рякъюъ

Узу 2 йисан ихъ Табасаран райондиъ, 23 йисан Белгородский областдин Грайворонский райондин Козинка кIуру гъулан къялан мектебдиъ гъилихуна. Узу лихуз хъюгъру вахтна му цIийиди абцнаий мектеб вуйи. Йиз фикриан, мяливалин пи-



шера яратмиш'валин пишеси гъисаб аIуз шулу. «Мялимди, учв фтихъна маракълувалиинди илтIикIураш, чахъ урухурайидарра гъаддихъна аьшкъламиш даIуру ккунду», – кIури шулу. Узу ккергъбан классариъ лихури гъахънушра, йиз ученикарин литературайихъна, урус члалнахъна вуйи аьшкъ артухъ аIубан гъайгъушнаъ шуъза. Мектебдиъ планарихъди, тетрадарихъди, документарихъди вуйи ляхин гизаф шуъи. Газатдиъ лихруган, думу «кIажарин ляхин» адрувал ужу ву.

Агъювалари шлиз манигъвал гъапIу?

Гъийин гизаф жигъиларин кIуларидъ «агъювалар адаршра, мадар аIуз шулу», кIуру фикир айивал увуз къабудди дарзуз. Ухъуз кIваинди имихъуз, советарин вахтари образование адру баяр тек-бирра адарди гъахъиб. Агъювалари шлиз манигъвал гъапIу, я аIура? Агъювалар адрували ихъ жигъилар къанунсуз рякъярйиъ ахъру. 29-пи октябри ихъ республикаийин аэропортдиъ гъахъи гъядисйирра агъюваларна тербия адрувалин натижа дарш, дишагълийирна бицидар аи самолётдин алархъуб шлин кIулиз гъюруб ву?

Ихъ баяр-шубарин жележег ужуб хъпан бадали, дурарин илимдихъна вуйи маракълувал артухъ хъпан бадали, ухъкан гъарсари удукъруб даIуру ккунду. Интернетдиъ аи ужубси, харжибра кIуларидъ убжрайи жигъиларин абийр-баваризра дурари гъаIураш, закур дурар наанди гъагъюруш, аьгъдар. Гъийин девриъ жигъиларин арайиъ гъалатIар ктарди бикIурайир алахъиш, къадарсуз шад шулза.

Агъювалар аи касдиз багъри члалниинди урхуз-бикIуз агъю аIуб думукъан читин ляхин дар. Йиз фикриан, фуну гъюкуматдиъ, фуну пIипIнаъ инсан яшамии шулашра, къанунарин гъаври ади, дурарин рякъди гъушиш, ужи ву. Я багъри члалниинди, я ихъ гъюкуматдин вари тешкилатариъ ишлетмиш аIурайи урус члалниинди гъалатIар ктарди бикIуз аьгъдрудари харижи гъюкуматарин члалар ахтармиш аIури шулу. Жвуван бицидар, худлар дарсариз гъагъур шулу вахтна кюмек аIубан бадали вушра, багъри члална урус члал герек шлуб кIваълан гъархну ккундар. Дурари хлиъ китабар, журналар гъадабгъан бадали, абийр-бавар, мялимар ва жара багахълуйир нумуна вуди ккунду.

Хъана журналистикайиз

Сачдин апрелин вазлихъанмина узу «Литературайин Табасаран» кIуру ихъ члалниинди удубчIурайи журналиъ лихуз хъюгъунза. Душваъ къюри релакторин вазифйир кIули гъахураза.

Табасаран члалниинди бикIурайи шаирариз узхъан шулу кюмекра аIури шулза. Гъацира, Табасаран ва Хив районариъ гъушу серенжемариъра иштирак гъахъунза. Ихъ дюн'яйин агъвалат ужуб терефназди дигиш шулу кIури, фикрарра аIури гъахъунза. Сач 22-пи майди 70-тIан артухъ террористари йиз хулар аи гъулна, гъумши гъулар гъидисуб кIваин дарапIди гъузуз шуладарзухъан. Йиз кючейиъ женгарра кIули гъушнйи, гъамусьяатра сяргъатарик карснайи Грайворонский райондин гъуларийи яшамии хъуб хатIалу ву.

Сагъу фагъум гъалиб шулу кIури, цIийи йисак умуд кивраза.

Муртйирин къимат ис аIубак пай кивра

Гюльнара Мягъамедова

Ахъиримжи вазари шюхъарин йиккун ва муртйирин къиматар за хъвалин месъла мялуматарин дакъатарий кми-кмиди гъитIибккура. ГъитIибккди гъитузра шуладар: 30 мурта аи къутдин къимат 500 манат дубхъна. Дагъустандин гъулан мяишатдин министерствуйин гъуллугъийир, зегъметкешар думу месъла гъял аIубахъ ижмишнаан хъюгъна.

РД-йин гъулан мяишатдин ва иIру-убхъру сурсатарин министрин сарпи заместитель Шарип Шарипов ва Федеральный гъулан мяишатдин илимдин центрин профессор Мягъамед Баратов Тарумовский райондин Калиновка кIуру гъулаз гъушну. Душваъ «Къизлярин Урицкйи йиккун комбинат» ООО-йи йиккун шюхъар урхъбан проект уъмриз кечирмиш аIура. Проектдин тешкилатчи Нурудин Умаровди ктибтиганси, ахъиримжи вахтнаъ шюхъарин йикк, муртйир гъадагърударин къадар артухъ дубхъна.

«Учу аукциондин Калиновка гъулан улихъна аи шюхъарин фабрикаийн лихури адру корпусар гъадагъунча. Дурар къайдайиз хпан, рас аIубан зиин, цIийи алабъийн хайлин зегъмет гъизигунча. Хъуб корпусдиъ шюхъар урхъюз хъюгънача. Хусуси сурсат гъадабгъурача. 25 агъзур кIул шюхъар урхъюз мумкинвал аи цIийи корпус тикмиш гъапIунча. Къюбпи корпусра тикмиш даIуру ккудубКIурача. Гъадар 12 корпус аIубанди вуча. Гъамци ляхин аIуз хъюгъийиз, ихъ республикаийн, жара регионарин шюхъарин гизаф фабрикийриз гъилигунза. Гъи учу дюз рякъюъ айивалиин умудлу вуза. Учуз айидар вари 60 агъзур шюхъ ву», – къайд гъапIу Нурудин Умаровди. Дугъан гафариинди, шюхъариз ккабхърайибра карханайиъ гъасил аIура.

«Шюхъарин йикк ич йиккун комбинатдиз хътаIурача. Саб сменайн арайиъ 3 агъзур шюхъ уркъру цехра тикмиш даIубнача. Гъаму проектдин тIалабувалиинра умудлу вуча. ЦIийиди артмиш шулайи ич проектдин багарихъди шюхъарин бици мяишатарра арайиз гъюра. Дурарира учухъди аьлакъа уьбхюра. Карханайиъ 25-тIан артухъ кас лиху йишвар ачмиш даIубнача», – гъапниий дугъу.



Нурудин Умаровди, гъюкуматдин терефнаан чан проект уъмриз кечирмиш аIуз кюмек туву Дагъустандин улихъ-кIулихъ хъайидариз чухсагъул мялум гъапIу, фицики гъюкуматдин терефнаан кюмек дарди, думу жюре проектар уъмриз кечирмиш аIуз гъагъиди алабхъуру.

Чан терефнаан Шарип Шариповди гъапиганси, гъулан мяишатдин зегъметнаъ пишекрари аьхю роль уйнамиш аIура. «Журбежур проектар уъмриз кечирмиш гъапIу Нурудин Умаров, дюю гъасил аIубахъра хъюгъну. Дугъан кархана дюю убзурайи чIатху 5 карханайикан саб ву. Гъубшу йисан думу мяишатдиъ никк тартиб аIуру деврин тIалабариз жаваб тувру комбинатра либхуз хъюбгъну. Гъацира роботари ляхин аIуру никдин сурсатарин ферма тикмиш аIубан месълара улихъ дийибгъна; мяишатдиз тахил уьбхру, дянин ебциру йишварра а.

Нурудин Умаров гъулан зегъметнаан дериндиан гъавриъ аи инсан ву. Дугъу ляхин аIуз хъюгъийиз проектар гъагъур аIуру ва Дагъустандиъра аграрный бизнесдикан мянфьяат гъадабгъуз шулувал тасдик аIура», – къайд гъапIу Шарип Шариповди. Дугъан гафариинди, гъамцир инвесторин чешнейиз заан къимат дивуал ва жарадар дугъан тажрубайихъди таниш аIулувал лазим ву.

«Чпин пишейиъ гъамцдар жавабдар ва дирбаш касари гъулан мяишатдин циркил уьбхюра. Ухъуз рякъюрахъуз, шюхъар артмиш аIувалин программийиъ Дагъустан жанлуди иштирак шула. «КУМК» ООО-йин улупбари республикаийра шюхъарин сурсат гъасил аIуз мумкинвалар айивал улупура. Дагъустандин улихъ-кIулихъ хъайидарин къарарниинди, 2024-пи йисан шюхъар артмиш аIубан цирклиз жара аIурайи пулин дакъатарин къадар 4 ражари за гъапIу. РД-йин гъулан мяишатдин ва иIру-убхъру сурсатарин министерствуйин табшуругъниинди гъаму жюрейин проектар гъюкуматдин терефнаан кюмек тувру АПК-йин госпрограммириз гъадабгъура», – къайд гъапIу Шарип Шариповди.

Думу жюре проектари республикаийн базарийи аи шюхъарин сурсатарин къиматар ис аIуру кIури, умуд кивурхъа.

ГОДЕКАН

Вып. 1
12.01.2024 г.

Ответ на обращение на Прямую линию с Главой Дагестана

Исамудин Рамазанов,
Председатель совета старейшин табасаранского народа в г. Махачкале

29 ноября 2023 года проходила Прямая линия с Главой Дагестана Сергеем Меликовым. Я подготовил обращение на имя руководителя республики, в котором изложил злободневные проблемы Табасаранского и Хивского районов. В частности, мною были отмечены отток населения из-за отсутствия рабочих мест, плохие дороги (например, дорога из села Урга в села Атрик и Хурсатиль Хивского района). Также я вышел с предложением о создании филиалов промышленных, сельскохозяйственных и иных предприятий на территориях Табасаранского и Хивского районов для снижения безработицы.

Мои обращения после рассмотрения были направлены в три профильных министерства республики.

В целях содействия главам и жителям обоих районов в решении данных проблем публичную выдержку из ответов, поступивших на мое имя из министерства экономики и территориального развития РД и министерства сельского хозяйства и продовольствия РД. Ответ из министерства промышленности и торговли РД пока не поступил.

Ответ из минэкономразвития РД

«... С целью сохранения занятости населения и сдерживания его оттока в низменные территории в сложных экономических условиях утверждена государственная программа Республики Дагестан «Социально-экономическое развитие горных территорий Республики Дагестан» (далее – госпрограмма РД). В рамках госпрограммы

РД предоставляется государственная поддержка юридическим лицам, индивидуальным предпринимателям, самозанятым гражданам и личным подсобным хозяйствам, осуществляющим деятельность в горных территориях республики, в форме субсидирования части затрат и грантовой поддержки.

В целях развития и поддержки промышленных и сельскохозяйственных предприятий жители горных территорий, в том числе Табасаранского и Хивского районов, могут принять участие в реализации мероприятий в рамках вышеуказанной госпрограммы РД по следующим направлениям: субсидии на возмещение части затрат на приобретение оборудования по производству промышленной продукции; субсидии на возмещение части затрат на приобретение оборудования по производству пищевой продукции и напитков; субсидии на возмещение части затрат на строительство оптово-логистического центра хранения продукции.

Реализация предлагаемых мероприятий позволит создать в горных территориях новые рабочие места, увеличить объемы производства сельскохозяйственной и промышленной продукции, в том числе перерабатывающей, ввести в оборот неиспользуемые сельскохозяйственные угодья, повысить уровень занятости и жизни местного населения.

В настоящее время в Минэкономразвития РД проводится работа по актуализации и расширению мер поддержки госпрограммы РД.

Подробная информация о мерах и условиях получения государственной поддержки размещена на сайте Минэкономразвития РД: <https://7mines.e-dag.ru>, на официаль-

ном телеграмм - канале: <https://t.me/dageconomy>.

Заместитель министра экономики и территориального развития Республики Дагестан
Р.М. Мирзаев

Ответ из минсельхозпрода РД

«Министерство сельского хозяйства и продовольствия Республики Дагестан, рассмотрев Ваше обращение на «Прямую линию» с Главой Республики Дагестан 29 ноября 2023 г. по вопросу открытия предприятий агропромышленного комплекса в Табасаранском и Хивском районах, сообщает следующее.

Минсельхозпрод РД проводит аграрную политику в Республике Дагестан в рамках государственной программы Республики Дагестан «Развитие сельского хозяйства и регулирования рынков сельскохозяйственной продукции, сырья и продовольствия» (далее – Госпрограмма).

Вместе с тем Минсельхозпрод РД не осуществляет строительство каких – либо объектов, в том числе переработки сельскохозяйственной продукции, а оказывает содействие и господдержку реализации инвестиционных проектов в рамках мероприятий Госпрограммы. «...»

В целях стимулирования привлечения внебюджетных инвестиций на создание новых и (или) технологическую модернизацию имеющихся перерабатывающих мощностей в отраслях АПК с использованием механизма софинансирования из средств федерального бюджета предоставляется государственная поддержка на реализацию инвестиционных проектов: гранты СПОК на развитие своей материально-технической базы; гранты «Агростартап» и субсидии СПОК в рамках федерального проекта «Акселерация субъектов малого и среднего предпринимательства»; гранты на развитие семейных ферм.

Также предусмотрены из республиканского бюджета РД субсидии на возмещение части затрат на приобретение технологического оборудования в рамках мероприятий Госпрограммы.



Все предусмотренные Госпрограммой меры государственной поддержки и соответствующие им нормативно-правовые акты размещены на официальном сайте Минсельхозпрода РД (www.mcxrd.ru) в разделе «Государственная поддержка».

Минсельхозпродом РД неоднократно направлялись письма в районы с предложением о реализации проектов по созданию цехов по переработке плодов и овощей с привлечением инвесторов или на базе имеющихся в районе сельскохозяйственных потребительских кооперативов, а также разъяснением механизмов государственной поддержки сельскохозяйственной кооперации.

Вместе с тем информируем о том, что для формирования документации имеется возможность привлечь Государственное автономное учреждение Республики Дагестан «Центр развития АПК РД», осуществляющий свою деятельность в рамках Национального проекта «Развитие Агропромышленного комплекса РФ», который оказывает информационно-консультационную поддержку субъектам МСП в сфере АПК, а также практическую помощь при составлении документации для реализации проектов получения господдержки и формирования отчетности.

«...»
Дополнительно сообщаем, что Минсельхозпрод РД готов оказать поддержку и максимальное содействие каждому реальному инвестиционному проекту в сфере АПК, реализуемому или планируемому к реализации на территории республики, в рамках реализации мероприятий государственной программы.

Заместитель министра сельского хозяйства и продовольствия РДЭ.
А. Шайхгасанов

	Уполномоченное лицо	Предмет заботы пастуха	Вздор. пустяки, нелепость	Чувство гневного раздражения	Частица жидкости	Египетский фараон	Чернец	Парусный военный корабль	Затонувший материк	Подземный канал для стока нечистот	Остров вблизи Курил
				Кисломолочный продукт				Приток реки Лена			
	Дорогой во всех смыслах запах					Пшик				Кукиш, фига	Поле битвы за урожай
Важный «пернатый» человек	Род вечнозелёных деревьев			Выпечка из теста с начинкой				Средство от нечистой силы			
		Река в Восточной Сибири		Тарзанка для обезьян		Жидкий металл	Заколючки письма				
Острова в Малайском архипелаге	Хищник семейства кошачьих	Грубая рабочая одежда	Сильная ярость	Топлёное свиное сало			Накатанная «телега»	Степень зрелости плода			
				Место соединения	Традиционный застольный ритуал			Подневольный работник	Река в Якутии		
Сибирский безрогий олень				«Бомжующий» всю зиму топыгин			Садовый цветок				
Черда вагонов	Древнеримский писатель	Строительный материал			Смерч в Америке						
				Плавный парный бальный танец			Античные счёты				

ГОДЕКАН

E-mail: zori56@yandex.ru

Редактор выпуска Голахмед Маллалиев
367018, Махачкала,
пр. Насрутдинова, д. 1 «А»,
Дом печати.
Телефон: 66-15-89

Машгъур алимарин бай ва худул

Умгъанат Сулейманова

Гъар йисан декабрин вазли, аьдат вуди, ихъ республикаий Урусатдин Федерацияин ва Дагъустандин Республикаин гъюкуматдин наградийр тувбан серенжем кIули гъябгъюри шулу. Цийи 2024-пи йисандин гъаншариъра культурайин, образованиеин, искусствуйин, илимдин, спортин рягъимдувалин ляхин гъабхбан цирклиъ асас вуди лишанлу гъахъ инсанарин зегъметназ заан кьимат тувну. Гъадриарикан сар Дагъустан Республикаин илмарин лайикълу гъулдугъчи, филологияин илмарин доктор Мягъямед Юсуфов ву.



Мягъямед Гъясамутдинович Юсуфов Табасаран районди Гурихъ гъулаъ алимарин ахъю хизандиъ 1942-пи йисан бабкан гъахъну. Дербент шагъри ерлешмиши дубхънайи И.В. Сталиндин ччвурнахъ хъайи 1-пи нумрайин мектеб интернат ккудубкIну, думу Мягъячгъалаий Дагъгосуниверситетдиъ урус чIалнан ва литературайин факультетдиъ урхуз учIвру. Вуз заан аьгъюваларинди ккудубкIну, Гъямзат Цадасайин ччвурнахъ хъайи Тарихдин, чIалнан ва литературайин институтдин илимдин гъулдугъчиди, хъасин Дагъгосуниверситетдиъ урус чIалнан ва литературайин мялимди гъилихну. 1990-пи йисан Мягъямед Юсуфов ДГУ-ийн кафедрин заведующийди тийин гъапIнийи. Хъасин ДГУ-ийн Дербентдин филиалин директорди гъилихну.

2003-пи йисан 2013-пи йисазкъан Ивановский гъюкуматдин университетдин Дербентдиъ айи филиализ регъбервал туври гъахъну.

Сач декабрин аьхирариъ Региондин табасаранарин милли культурайин автономияин яркъу заседанийиъ Коммунист партиийн Дербент шагъ-

рин горкомдин секретарь Айваз Аьлихановди Дербентдиъ айи компартияин отделениеин член Юсуфов Мягъямед Гъясамутдинович, дугъан ахъю хъуркъувалариз лигну, Урусатдин коммунист партиийн 100 йис хъпахъди аьлакьалу юбилейный медалихъди лишанлу гъапIну.

Мягъямед Юсуфовдин зегъметназ лайикълу кьимат туввал ва гъазира дугъаз улубкъурайи Цийи йис мубарак аIпури, узу дугъахъди горюшмиш гъахъунза.

Узуз чпин хуларин ракнар, машнаъ ачухъ инчIра ади, аьлимдин хпир Луара Уьмаровнайи абццнийи. Мягъямед Юсуфовдин хизан хялар гъюб'ин гизаф рази вуйиб дурарин инсандихна вуйи янашмиш'вали улупура. Хялижв дурарин хизанди варитIан багъалу кас вуди гьисаб аIпуру.

Мягъямед Юсуфовдин цци 82 йис тамам шула. «Яшнан дигиш'валар шули рябкъюрузуз сарун, узуз аьгъю мялуматарикан гизаф пай кIваълан гъябгъюрайиз. Хъа йиз мурад-метлеб гъядму вуйизки, гъи узуз айи вари мялуматар ихъ насларихъна тувуб», – кIура профессор.

Ихъ бажаранлу аьлим Мягъямед Юсуфов машгъур алимарин бай ва худул вуйишIан! Къюб Tпарикбатдин шейх, «Тифл ул-Мани» ва «Силсилат ул-Арвахи» китабарин автор Юсуф ал-Мускури (XVII аьсир) дурарин тухмарин ву. Мидкан ва хайлин жара маракьлу шей'арикан дугъу узухъди вуйи сюгъбатнаъ ктибтнийи.

«Йиз ахъю аба Зиявудин Юсуф-Гъяжи ал-Курихи ал-Табасарани диндин машгъур аьлим, Накъшибандия Tпарикбатдин гъюрматлу шейх вуди гъахъну. Табасаран райондин Гурихъ гъулаъ ич ахъю абайин адаш Рамалдан аьраб чIалнинди урхуз-бикIуз аьгъю лап савадлу кас ва чан балин сарпи мялимра вуди гъахъну. ЙицIуд йисаъ ади ич ахъю абайиз шариаьтдин вари китабар эзбер вуйи. Чан адаш Рамалдан кечмиш гъахъихъан, Зиявудин, диндин рякъ давам аIпураз кIури, гъяждиз гъягъюз гъязур шулу. Турцияийз хъуркъу вахтна мугъаз, Стамбулиъ машгъур аьлим,

Нашкъшибандия Tпарикбатдин гъюрматлу шейх Аьгъмад-Хамиди ал-Рукели ал-Табасарани дуланмиш шула, кIури ебхъуру. Дугъахъди, багахъди таниш духъну, ич аба Зиявудин Юсуф-Гъяжи ал-Курихи ал-Табасарани хайлин вахтна шейхдиъ урхури, дугъан мюридра вуди гъахъну. Душв'ан гъафири 1910-пи йисан чан багъри бабан гъулаъ мистан мектеб – медресе дивру. Дугъахъна, Кафари Кавказдин республикйирианра кмиди диндин аьгъювалар гъадагъуз хайлин инсанар гъюри гъахъну. Машгъур дагъустан шайх СIал Сулейманди дугъкан вуйи шиирра гъибикIну.

Йиз адаш Гъясамутдин, ислам диндин машгъур аьлим, насигъятчи ва бегъем зигим айи кас вуди гъахъну. Думу, ухъуз варидариз гирами Рамазан вазлиси, имбу вазарира гъаммишан ушвар дисури гъахъи кас вуйи. Думу «Диндихъна дих» кIуру китабдин авторра ву. Дугъаз миржир велед гъахъну – юкьур бай ва юкьур риш. Йиз ахъюну чве Аьбдулмалик Юсуфов табасаранарин арайиъ биологияин илмарин докторвалин ччвурназ гъадабгъарикан сарпир вуйи, бицIину гъардаш Гъяжи Юсуфов медицинаин илмарин кандидатвалин ччвурназ лайикълу гъахъну, хайлин йисари Дагъ Огни шагъри ерлешмиш дубхънайи ЦГБ-ийгъ духтирди ва кIулин духтирдира гъилихну. Узу Дагъустан Республикаин илмарин лайикълу ишчи, филологияин илмарин доктор вуза, 100-TIан артухъ илимдин ляхнар гъидикIунза. Дурарин арайиъ 8 монография, швнуб-саб хрестоматия, вузариз, педучилишйириз ва мектебариз вуйи пособийр айиз. Монографйирин арайиъ «Табасаран милли литература», «Кавказ халкварин диндин культурайин артмиш'валиъ исламдин аьгъюваларин роль», «Евразияин культура ва урус литература», «Арслан аьсрин шаирар» ва хайлин жарадар а. Великобританияин Кембридж шагъри ерлешмиш дубхънайи Варихалкварин биографический центриъ 1997-1998 пи йисан «Машгъур инсан» ччвурназ лайикълу гъахъунзу, ва йиз ччвур хъанара «XX-пи аьсрин инсанар» китабдиъ гъадабгъна. Хъа Америкаин энциклопедийрин цен-

триъ «Намуснан инсан» медалихъди лишанлу гъапIунзу. Узуз саб ражари, йиз нубатнан монографияийн гъизигу зегъметназ лайикълу кьимат тувну, саб кьадар пул хътапIнийи, гъядму пул вари Мягъячгъала шагъриъ диврайи мистаз хътапIунза», – ктибтура Мягъямед Юсуфовди.

– Узу гъи аспирантарихъди, илмарин кандидатарихъди сикин дарди ляхин гъабхурайиб мялум вузуз. Илимдин рякъюб швнур кандидат ва илимдин доктор гъязур гъапIунва?

– Узу 7 кандидат ва 2 илмарин доктор гъязур гъапIунза. Вари кIваинди имдариз, хъа ихъ табасаранарикан улхуруш, Мугъяммад Дашдемиров, Эльмира Аьшурбегова ва Анжела Рьягимова филологияин илмарин кандидатар ву.

– Гъамусяаьт фтин зиин лихурава?

– Узу кюгъне халкварин литература ахтармиш апIбин хайлин гъилихунза. Амма ихъ табасаран тарих вари ахтармиш даIну адар. Гъийин деврин жигъил алимарин, тарихдин дарсар киврайи мялимарин арайиъ тарих, ихъ ирс ахтармиш апIрудар гъахънийиш, ужу шуийи. Ухъу айивал улупну ккунду. Саб ражну узу, фици-вуш жара гъюкуматдиъ гъушур, душван алимарихъди горюшмиш гъахъунза ва, уву фу миллетдин ва вува кIуру суалназ табасаран вуза гъапиган, табасаран кIуру миллет айиб вуйин, кIури, дурар маракьламиш гъахънийи. Узу дурариз ихъ чIалнан грамматика жигъатнаан вуйи девлутлуваликан ва жара мялуматар ктигунза. Ухъухъ, дугъриданра, гизаф ахъю хазна хъахъухъ, вари халкварин улихъ табасаран халичйир урхбаан, чIалнан грамматикаин терефнаанра садпидар вухъа. Гъи магъа ихъ ахъю дару миллетдиъ юкьур Урусатдин Игитар а. Узу ихъ халкьдийн, йиз тухумдийн, иллагъки къюб Tпарикбатдин шейх, «Тиф ул-Маани» ва «Силсилат ул-Арвахи» китабарин автор Юсуф ал-Мускури йиз тухмарин вуйивалин гизаф рази вуза.

– Мягъямед Гъясамудинович, швнур баяр-шубар, худлар авуз? Дурарикан яв аьлимвалин рякъ давам аIпурайидар айин?

– Узуз 3 бай ва сар риш азуз. Ахъюну бай Камил Москвайиъ медицинаин илмарин доктор ву, риш Заира филологияин илмарин кандидат ву, къюрпи бай Артур Урусатдин Силсичвалин КIулин Управленийи силичиди хайлин йисари дилихну, гъи пенсияийи айи полковник ву, бицIину бай Заур инсандин хатIасузвал уьбхру органариъ гъилихну, гъи думура пенсияийи а, майор ву. 4 худул шубар ва 6 худул баярра азуз. Вари саламатди дуланмиш шула.

Мектебарий урхурайидарин олимпиада

Гюльнара Мягъямедова

Январин 10-пи йигъан Дагъустандиъ мектебарий урхурайидарин Вариурусатдин олимпиадайин регионариъ гъабхру пай ккебгъну.

Мектебарий урхурайидарин Вариурусатдин олимпиада – гъюкуматдин, муниципальный, гъюкуматдин дару образованиеин, уьмуми образованиеин программийхъди лихурайи тешкилатариъ урхурайидарин арайиъ жюрбежюр дарсарин гъар йисан гъабхурайи олимпиадайин гъурулуш ву. Урусатдин Федерацияин вари субъектар иштирак шлу му серенжем юкьуб йишваз пай шула: сифте мектебарий, хъа муниципалитетариъ, хъасин регионариъ гъабхуру, региондиъ гъалиб гъахьидар олимпиадайин аьхиримжи пайнаъ иштирак шулу.

Региондин олимпиада 22 предметдин январин ва февралин вазари гъябгъиди. Дидиъ муниципалитетариъ гъалиб гъахъи, мектебарин 9-11-пи классариъ урхурайи 600 агъзуртIан артухъ баяр-шубар иштирак хъиди.

Региондин олимпиадайин пайнаъ гъалиб гъахъи баяр-шубар олимпиадайин аьхиримжи пайназ удучIвру. Хъа уьлкейин дережайиъ гъалиб гъахьидар, гъюкуматдин ва муниципалитетарин заан пишекарвалин образованиеин заведенийириз имтигъанар тутрувди, къабул аIпуру.

Ахъю хизан – ахъю шадвал

Ихъ уьлкейин Президент Владимир Путиндин 2023-пи йисан 22-пи ноябриъ 875-пи нумрайиккди удубчIву указдиъ улубкънайи цIийи 2024-пи йис Хизандин йис вуди улупна.



Гъарсар касдиз жвуван хизан варитIан юкIв кабсру, кIваз мани ва багъалу инсанар айи макан ву. Ихтибарнан гъисснан ва жвуванурихъанди юкIв уьру хизанвалин ирснан далу хъайи касдиз саб ляхинкарнахъанра гучI даршул.

Газатдин машариъ цIийиди ачмиш аIпурайи «Ахъю хизан – ахъю шадвал» рубрикаийккди учу кмиди Табасаран ва Хив райондин гъуларин ахъю ва баркаллу хизанарикан бикIидича. Магъа Хив райондиъ айи ич мухбир Мейлан Нежефовдин гъийин макъалаийиъ гаф-чIал хъугъвал заан дережайиан дибиснайи Ханзада Абаевайин хизандикан гъябгъиди.

Хив райондин Гъвандккарин гъул ахъю гъуларикан саб ву. Му гъулаъ йицишубур «Игит дада» ччвур тувнайи хизанар айи. Гъяйифки, дурарикан гъи имбур сар Ханзада Абаева ву. Дагъу чан уьмрин юлдаш Бакар Мизаховичдиъди 11 велед (6 бай ва 5 риш) дюрхну, арайиз адагъну.

Вари аьдати табасаран дишагълийириси, Ханзадайири, чан уьмрин варитIан ужубсиб вахт ихъ халкьдин фурс ва дамагъ вуйи халачйириз бахш гъапIну. Гъулан фабрикаийиъси, багъри хулаъра, накъдизкъан дугъан дуркъар-мухъариз архайнвал гъиз кIурушкъан аьгъдайи. Хъа уьмрин юлдаш Бакар гъулаъ машиндиъ хъади, хъа арабир Краснодар областдин аьтрафариин лихуз гъягъюри-гъюри, мадар аIпури гъахънийи. Гъамци баркаллуди хъапIу 41 йисандин арайиъ Абаевари йицIисар велед гъюрхну ва эвлениш гъапIну. Гъи дурарин веледар, хизан-кюлфетдин эйсирси, чпира аьйир-бабар духъна.

Гъяйифки, Ханзада бабазси, Абакар абайиз 33 хтул ва 12 гудул ккарциру йигъар къисмат гъахъундар. Вушра, ахъю хизандин Tяаьм гъисс аIпурайи Ханзада баб уьмрикан ва Худайикан гизаф разиди ву. Дугъан веледарикан гъи Ватан уьбхру гъулдугъан буржи тамам аIпурайидарра а. Гъаци, Гъясратли Украинаин аьтрафариин гъябгъюрайи хусуси метлеб айи дявдин операцияийиъ игитвал улупура.

Гъич шак адар, Ханзада Абаева чаз тувнайи «Игит дада» ччвурназ вари терефарихъанди лайикълу ву. Гъит яв хулаъ гъарган манишнан ялав ибшри, Ханзада баб!



Литературайин маш

Инкџилабдиз улихна вуйи табасаран литературайин диндикхди аьлакьалу эсерарин гъатну лайикьлу йишв дибиснади гъабхьну. Зюрдгъарин Гъясну ва дугъан бай Гъажимьягъмедди, Зюрдгъарин Гъажи-Сяидри (I), Гурхъарин Зиявутдинди, Халгъарин Наврузбег-эфендийи ва ччвурар мялум дару авторари ислам диндикан, шариаьтдикан, Къур'андин ва гъядисариь алахъру сюжетарикан, дюн'айин фанаваликан, ибадат дапӀну ккунивалликан назмар, къасидар, турки ва жара жанрариь дидикӀнайи эсерар яратмиш гъапӀну. Советарин гъюкум гъурмиш гъабхьхъанмина табасаран литературайин диндин тема марциди гъудубгуну, хъа эгер дидихна илтӀкӀурушра, авторари анжагъ тянкъидвалин хасиятнан эсерар дикӀури гъахьну. 1990-ни йисариьхъан му лайикьсузди литературайин сягънайин терг дапӀнайи тема яваши-явашиди табасаран авторарин эсерариз хътаб-куз хъюгъну.

Сарпирди диндикхди аьлакьалу темайиз цӀийи деврин табасаран литературайин унчӀв абицур Заки Даидемиров ву. Гъи газат урхурайидар дугъан 1990-ни йисариь гъибикӀну «Имтигъян» китабдиь тувнайи авторин кучӀвбан гафнахъди ва бязи эсерарихъди таниш апӀурача. Авторин эсерарин орфография ва пунктуация дигиш дарпӀди туврача.

Заки Даидемиров
(1930-2016)

Васиятнама

Ассаламу гъялайкум, гирами мусурман дин-гъардшар ва чйир! Гъаму китаб гъапӀруб ва фициб вуйкӀан дупну мид'ина эгъемиятвал алди хъивализ Аллагъ учванк рази ишри, Аллагъди ичв гунгъарин гъяфв апӀри! АМИН!

Ииз дакъатназ гъилигси ликар алдагъури, ичв арайиь кӀул цӀийи дапӀназа ва саб хайлин кагъзариин жвуван къаламра гъилибхунза. Натихайиь фу гъясил гъабхьнуш, дидкан фикир апӀбан ляхин адар. Гъарсаб ляхин игътияж'валилан асиллу шула. Деврихъан жвуван уьмур жара апӀуз шлуб дар. Деври узу илкӀси чвӀуркьури гъахьну. Деври жув ин илипури гъабши гъар са-саб гъагъи, учвру гъисс гъамус гъаму кагъзи-ина илипбиинди узхъан жара шула. Гъагъиди «ухътт» алдабхьбиинди гъадмукъан кӀваз рягъятра шулайиз. Жвуван юкӀв илцифрувалтӀан зурба игътияж'валра инсандиз шлуб дар.

Гъямд ибши Аллагъдин къудратлувализ! Швнубна сабан, угъри – кутъри, швнуб жюрейиинди Чав узу уягъ гъапӀну. Иллагъки, жувсир зяиф лукӀ «Имтигъян» ччвур алди гъаму китаб бикӀбаз Чахъан вуйи Илгъамдинди узу теъминра гъапӀну. Му китабдин бязи месэлийри, йиз гъубшу уьмур ккириб-гъури, жвуван улигъ дибккра ва узу гизаф гъялакра апӀура. Яни Аллагъдин къагърихъан узуз гучӀ ккипра. Дугъриданна, нефсна шейтӀан шерик духъну, дурари узкан чпиз ккуниб апӀури гъахьну. Натихайиь гъамциб жавабдар уьмрин рякъюь гизаф йишвариин йиз ликра ккутӀубччвур гъахьну, мелзра:

1. Аллагъу Тааьлайин гъюзурнаь, лайикь вуйибси, йиз кӀваь Имандин паквал, тӀяаьгнаь марциди заминвал гъабхьундар. Астагъфируллагъ!

2. Ихъ Табасаран къурулушди гъял дапӀну ккуни месэлийри, ачмиш дапӀну ккуни «жавагъарар» гизаф айи. Гъадриарикра жвуван пай гъабхьундар. Ва саб хайлин жвуваз тьялукъ вуйи гъял апӀбарилан узу лап гъафилвалиинди уддучӀвури гъахьну.

Жвуван аькьибат фициб хьибдин, мялум вуйи ляхин дар. Гъял-гъазирнаь йиз кӀваь удубкьнайи эрзи-ман жвуван багъри халкьдигъна гъюрюшмиш хъивал ву. Фицики, инсан аьзарлу даршиш, дугъу духтир агурдар. Узу гунгъари карцӀбиинди аьзарлу вуза. Узуз аьгъюди ва аьгъдардира жвуваккан инжиг гъаши касар ашул. Аллагъ бадали дицисдари узуз аьфи апӀивалик умудра кивраза.

Магъа, гъи жвуван намуснан улигъ гъагъиди кӀул ис апӀураза, гъякъ даргагънаь тубакарра вуза. Анжагъ, узусир гъафилди уьмур ккадапӀу, гунагъкар лукӀ, белки, хъана ашул дупну, гъаму «васиятнамайи-инди» гъарайра апӀураза. Гъелбетда, гъар фунуриз чав деету нукъсанваларихъан гучӀ гъабшиш, думу касдиз му гъюрюшмиш хъивалин мянара бихъур. Анжагъ гъа-цир кас ву жвуван гъалабалугъвал абхъу кӀвакан хабар шлурра. Хъа саб гунагънан гъаракат чак дьяркъб-райи «бахтаврарра» ашул.

Гъадриарихъанра гъаму исихъ улупураи дерди-гъялин тӀяаьмра дадмиш апӀуз гъабхьнийиш, гъай аман, фуькан ужуи шлийда! Аннамиш апӀру марциди, сагъу аькьюл туври ухъуз Аллагъди! АМИН!

Уьмрин баядийр

«Инсанди чан жигъил вахтна азад вахт ГагӀабхъура мянасузди, гъафилди» – Пайгъамбарин му гъядиснаь а гъикмат, Гъисс апӀурииз лап тьясирра апӀиди. Саб юкӀв вуйиз дигиш даршиди имбуб, Лал гъабхьну мелз, гукӀни гъахьну хиларра. АпӀру гаф-чӀал, гъар фунубра нукъсануб Шули, жигъил вахтар гъюра кӀваина. КӀуйза, ликар фици дивру явашиди, Дагъдин кьуназ ухшаруб вуй йиз юруш. Хъюгъиш, зимзран ликра илибтӀуз шули, КӀарч гъибисиш, аьжуз апӀуйза гамуш. Савадсуз ву кӀурдай узуз сарира. Гъевескрани хъирчри шуйзухъ мисалар. Иксар, игрикран аьгъдаруз фйир вушра, Амма жавабариз вуйза аьндар. Дадабгъну йиз улигъ дипишра спутник, Фу гтихъ хъивруш, мяна фу вуш, бихъуйзуз.

Узу даршра дурхнайи аьлим-физик,
Аллагъди гъаиб пай тувнишлий узуз.
МакӀанки, хуб яв тьярифар дапӀнава,
Аьгъдаршулвуз, узу фуькан авам вуш,
Гъийин девриь гъагъи уьзур даринхъа:
Багъри чӀалтӀан аьгъдарди, кӀул вуйиз буш.
Мушваь адар усалвал, я дирбаш'вал.
Шлиз фу тувнаш, такъдир Халикьдинуб ву.
КӀваь дарибшри азгъунвална хаинвал,
Вари гъилмар хътӀюкьру «жадуйир» гъадрар ву.
ГъапӀхъа? Уьмур къяляхъ гъюруб дар сарун.
Даршлий жвувсир тӀябиаьтдин чархачи.

Сар АЛЛАГЪ ву,
Вуйир Чав ГЪАЙЙУ-КЪАЙЙУМ.

Гъямд ибши Чаз,
дарза Дугълан аьрзачи.

Уьмрин суфатар

Себеб фу вуш, инсанар Швнуб жюре духъна, гъайиф. Вердиш духъна бязидар, Чпи апӀури чпин тьяриф. Шилгъан шулу жин апӀуз Нукъсанар Аллагъдихъан? Хъюгъру чпин тьяриф апӀуз, Фу-вуш ккунди халкьдикан. Аллагъдин къудратлувал КӀваь абхъу кас гукӀни шул. Дугъахъна марци аьмал Адру жвувсир аьжуз шул. Инсанвализ хас вуйи Держайииз рукъру кас, Даршул сарра, эгерки Бугъмиш апӀуз даршиш нефс. Гъаддиз йиз нефс писламиш АпӀураза, шлубкьан. Нагагъ учву «гъаз» гъапиш – Далилар а, ккунибкьан:

Йиз нефсди гъапӀнуш узкан,
Гъибрат гъадабгъ,
дин-гъардаш!

Яв нефсра ву яв душман,
Уягъди гъуз, дин-гъардаш!
Айрандиз «уф» апӀур кӀур,
Уьцру никкиди гъургури.
«Улар ади махъан кур»,
КӀури шулу абйири.
Улихъ хъайир гъяд шул кӀур
Къяляхъди гъюру касдин.
«Гъамшвхъан ихтиягъ йихъ» кӀур,

Къараь ликар арсури.
Йиз гъафилвал гъар йигъан Шлубкьан яв кӀваин апӀин.
«Аькьюл-аькьюлсузрихъан Дубгъур», кӀури шулдарин.
Узу наан алдакнуб,
Гъашвхъан ихтиягъ апӀин!
Узу наан фурс гъапӀнуш,
Гъашв'ин яв кӀул ис апӀин

Яр-дуст, мярифат адарш,
Уьмрикан файда адар.
Дерди-гъяли дин гъардаш
Дидиц девлетра адар.
ГъапӀхъа, Пейгъамбар имдар,
Халкьар йишв'ина хуз шлу.
«Авам, тахсиркар имдар.
Вари аьрифар гъахьну».

Жвуван дерди гъял апӀру Шерик ккуни вахт вуйиз.
Дин гъардшарин хил бисру
Ният кӀваь удубкьнайиз.
ГучӀури айкӀан, чпира КарцӀур, кӀури, узухъди.
Жюрэтлувал айир кӀваь Цигъна гъягъур дустрахъди.
Чудримаргъ дар, тупмаргъ дар
Дин гъардшарин алакьйир,
Базарариь бихъруб дар,
Инсанвал-гъа! Тув фикир.

Бурма тӀапӀси, саф апӀур
Дин Исламди ихъ юкӀвар.
Мягъшар йигъан даягъ шул,
КӀулиз гъубхиш му йикърар.
Гъач къюреддин дар юкӀвар
Саф апӀухъа, дин-гъардаш!
Сар-сариз урцуру нивгъар
Бахш апӀухъа, дин-гъардаш.
Хялар гъюри-гъярайи
Карвансарай ву Дюнъа,
Милин гъабхуз шулайиб
КъатӀ агъ ву, дарш фукӀара.
Уьмур ву саб тамаша,
Бязидариз улупру.
Ваяки «къутна варчи»
Бязидарин кӀул убччвру.
Уьмрин гъайран жвуваз
Фагъирин агъ дийрибхъур.
Къазайиз аькси жвуваз
Гъяраши-Рягъман дидрихъур.
Уьмрин гъайран махъан.
Аькьибат аьжал ву, дуст!
Гъафил махъан, фурс мапӀан,
Уьмур рябкьру нивкӀ ву, дуст!

Гъагъри имдар му девриь
Дерди гъял апӀру жвуваз,
Урччвуз хъюгъру дишлади
Мелзнийинди гъайри кас.
Шерик гъашиш му касдиз,
Жвувра гунагъкар хъибди,
Дици дар, яваш, гъапиш,
Жвув мугъаз душман хъибди.
Иман камил вуйи кас
Тахсир кадр душтагъ ву.
Кючйиригъ рябкьруб дугъаз
Хпиш'ван гъяцӀли жасад ву.
Гъамцдар гъагъи аьзарар
Гизаф ахъра арайиь.
Мярифат-гъюрмак имдар,
Шагърариь, я гъуларий.
Аьхюр-бицӀир имдрувал,
Заманайин курвал ву.
Жвув фаркьлуди рякъивал –
Думура азгъунвал ву.
Малайик дар му гафар
Ичв улигъна хурайир.
Гъар фунуртӀан гунагъкар
Вуза, чара дубгнайир.
Жвуваз адаршра тувуз
Гъииб ву вягъз-насигъят.
Кюмек даршиш, читин ву
Тяйин апӀуб гъякькьбат
Уягъ апӀин, кутъ узук.
Гъякъ гъюзи ву дин-гъардаш.

Аллагъ учюн саб игъсан
АпӀбан ният увуз аш,
Улукъ уз'ин, фурс мапӀан,
Деъхъа къюред машина-маш.
Суракьнаь гъуз, белки, йиз
Вяда багагъ дубхънашул...
Иб алди гъуз, белки йиз
КӀуру саб гаф-чӀал ашул.
Магъ увухъна, бис йиз хил,
Йикърарнаь гъуз,
дин-гъардаш!

Марциб вуш ихъ уьмрин шил,
Хъана рукъархъа, гъардаш.
Магъ увутъна, бис йиз хил.

Иман юлдаш апӀри, йип.
Мудубган яв абин шил –
Аллагъ СартӀан адар, йип.
Дерд мизиган йиз кӀулихъ
Зул Жалализ гъямд апӀин.
Йибхъури йиз ибарихъ,
Ясин тилават апӀин.
ЙикӀру йигъан дин-гъардаш
Яракар шул фунуртӀан.
ГъапӀхъа, эгер къисмат дарш,
Такъдир ву Аллагъдихъан.
Дерд мизиган йиз кӀулихъ
Йиз вяда вуш, гъаьдива.
Гъаму зяиф бейтарихъ,
Узуз аьгъюб, хъюрхдива.
Гъафил махъан, накъварихъ
Му Васи Къваин апӀин!
Узу айи гъядриарихъ
Гъаму бейтар вягъз апӀин!

Вари гъушу ва гъягъру
Рякъ'ин апӀин узура.
ЧӀубна гъацӀсиб гъван хъубснуб,
Лишан дибкк накъвдинира.
Жвув хъиришур ву йикӀузди,
Чара айиб дар дидиз.
Узу ккахъди ялгъузди
Накъвдиш ммункар-ннакириз.
Рюгъ жасадназ гъибди, кӀур,
Зурба гъикмат даринхъа!?
Накъвра дюзмиш хъибди, кӀур,
Фици дуфнаш жув чахъна.
Шлиз фу гъарай апӀуза?!
Хъуркьру айин йиз

дерднахъ?!
Гъи дарабгиш саб чара,
Уьмур гъюруб дар къяляхъ.
Мункар-Накир загъир шул,
Гъирхур: «Мягъбуд фуж вуяв?»
Суал-жуваб асант шул,
КӀура, Иман пак вуш яв.
Уьмрин эвез гъял апӀру
Гъаибд йигъ гъа инсандихъ.
Гъадму йигъхъан гучӀ адру
Бай даришри абайихъ.
Хъугърадаш му гафарихъ,
Гъит, узкан инжиг махъан.
Хъугърайирин Къур'андихъ
Гъарай утӀубччвур кӀваан.
Мушваь адар шак-ккуман,
Гъикмат Аллагъдинуб ву.
Гъарсар касдин аьмалнан
Гъякьи чагъна рубкьруб ву.
Тубакар йихъ, уягъ йихъ!
Аькьибат яв мапӀан пуч!

Узкан ккуниб, ахс апӀруб
Аш йип-гъа яв, дин-гъардаш.
Гъабхьнуш узкан гиран шлуб,
Гъяфи ибшривуз, гъардаш.
Гъяфи вуйиз, пай апӀин.
Узу аьгъюкьандариз.
Гъяфи ибшри чпиз узкан
Инжиг гъашикьандариз.

Гъюрмагълу дин-гъардшар,
чйир ва гъацира вари мусурман
агъайир!

Заан вуйи, Маргъяматлу ва
Журматлу Аллагъу Тааьлайи учву
дугъри рякъ'ин алагъри. Заманайин
гъюссуваларихъан, ичв нефсарин
гъярисваларихъан, намерд кас-
дин чиркин гъиба-бюгътандихъан
Аллагъ (с.т)йи эмин апӀричву.
АМИН!
АЛГЪЯМДУЛИЛЛАГЪ!
ФАЛГЪЮКМУЛИЛЛАГЪ!!!
Шагъидвал апӀураза –
ЛАИЛАГЪА ИЛЛАЛАГЪ!
Ва хъана шагъидвал апӀураза –
МУГЪЯММАДАН-РАСУЛУЛЛАГЪ.
АЛЛАГЪУ АКЪАР!

«Къягъялвалин дарс»

Мейлан Нежефов

Хив райондин мектебарий заан классарий урхурайи баяр-шубариз гъаму гъяфтайи къягъялвалин дарсар кивну.

Дарсариз асас вуди ухъуз вари-диз нумуна гъахы «Лихай, чвийр» тема гъадабгънийи. Эгер ихъ арайи му гафарин автор, Урусатдин Игит, полицияин лейтенант **Мягъямед Нурбагъандов** чИви ди имийиш, 9-пи январь дугъан 39 йис тамам шулийи. Гъайифки, дугъан уьмур ужудар чагъларий айи вахтна 2016-пи йисан ин-сафсузари къатI гъаIну.

Игит ихъ арайиан душну, саки миржид йис шула. Амма яракъ унтIин алапIнайи душмнин улариз гучI дарди лигурайи мютIогъ дархыи Мягъямеддин сурат гъаргандиз ихъ

уларикк гъубзди.

Дугъан «Лихай, чвийр» кIуру га-фари гъи Украинаий хусуси метлеб айи операцияий гъунара улу-пу-райи, дагълу ифи дамариб либухурайи баярик хлинцар кивра ва, дурари Нурбагъандовдин дихназ «Лихурача, гъардаш» кIуру жавабар туври, жюрет-лувал улу-пура.

Тамам 40 дакъикъайин дарснаъ урхурайидар дугъан уьмрикан вуйи видеороликариз гъилигънийи, дурари игитриз бахш дапIнайи макъалйир, шиъра гъурхнийи.



Дупну ккундуки, дарс кIули гъуб-хбан натижайи урхурайидар нубат-нан ражну Игитар ихъ арайи айибдин гъаври гъахъну. Мялимари дарсарин улихъ дивнайи ватанпервервалин мет-

лебар кIули адагънийи. Аьхириб баяр-шубар ва мялимар, эскервалин гъул-лугъ тамам аIури гъийиху эскерин гъюрмат уьбхюри, саб дакъикъайин арайи ккебехъну гъузнийи.

ЦIийи йисан – цIийи дарамат

Зубайдат Шябанова

Гъябгъюрайи йисан Табасаран райондин Аракъ гъулаъ цIийи ФАП ва Халагъ гъулаъ духтрарин цIийи амбулатория дивуз планламыш дапIна. Мидланра гъайри, Дарвагъ гъулан ФАП-ра бинайиан рас апIиди.



Му мялуматдин гъякънаан Къурбановди къайд гъапIганси, вари Табасаран райондин глава Мягъямед расвалин ва тикилишчивалин ляхнар

сагъламвалин сифте вуйи медицинаин кюмек тувру цирклин модерни-зацияин программаин дахилнаъди гъахуру.

«ЦIийи ФАП-ар деврин вари алата-рихъди тямин апIиди, душвариб лиху-райи медицинаин вакилариз ва паци-ентариз деврин тIалабариз жаваб тувру вари шараитар яратмиш апIиди.

2019-пи йисхъанмина башламыш дапIну учу райондигъ сагъламвалин 20-дихъна дараматар рас гъапIунча. Амма ляхин гъеле ккудубкIнадар. Рас апIуру ФАП-ар ами. Гъаддиз му цирклин месэлийр беъемди гъал апIайиз хай-лин ляхин дубхну ккунду», – гъапнийи райондин главайи.

ИкибаштIан, му хабар гъебехъу ФАП-арин ва амбулаторийин кIулиб айидарра рази гъахъну.

«Ужуб хабар ву. Чухсагъул. Халагъ гъулан амбулатория 1991-пи йисаз ФАП-си либухурайи. Гъадму йисхъан-мина думу духтрарин амбулаторияиз илтIибкIну. Узу 1996-пи йисхъанмина гъамушваъ лихураза. Гъийин йигъан ич амбулаторияий бицIи гъуларра кади 14 гъулан агъалйириз медицинаин сабпи кюмек тувра. Хъа му гъуларий 3 агъзуртIан артухъ инсанар яшамыш шула. Амбулаторияин дахилнаъ ба-гахъ гъуларин 10 ФАП-ра а. Учухъ

гъар йигъан силбар сагъ апIуру духтир, бицIидарин духтир ва участокдин те-рапевт духтир, медицинаин къялян 6 пишекар ва 3 марцишин къайдайи гъубхру вакилар лихура. Райондин цен-тральный больницаиз гъулхъан саки 15 километр манзил а. Духтрарихъна душну гъюз варидарихъан шуддар. Учхъан кюмек апIуз даршлу азъарлуийр тяди кюмек тувру машиндигъди рай-ондин больницаиз гъахурча. Сабпи кюмекназ вуйи дармнар вари гъуркIну ачуз. Му сабпи тереф.

Къюбпи месэла – дарамат. Гъи, дугъриданра, амбулаторияин хулар лап гъагъи гъялназ дуфна. Дурар улихъ-дин йисари совхозарин хулар вуди гъахъну. ШибритI ипнайи йишвхъанра камиди цалар дутIуркIну, гъи-закур гъадахърубси йирси духхъна. Му дара-матдиз учу жара йишв адруган адагъ-нийи. Медицинаин компютеризация гъабхайиз амбулатория анжагъ саб кабинеттIан адру йишваъ ерлешмиш дубхънайи. Хъа гъамушваъ духтрарин шубуб ва процедурийр гъаху кабинет, тегълиз а. Амбулатория цийиб, деврин вари тIалабариз жаваб тувруб тикмиш апIуру кIуру хабар гъебехъиган, меди-цинаин вакиларси, вари жямаятра рази гъахъну. Му ужуб хабар багахъ ге-лежегдигъ кIулиб удубчIур кIури, миж кивдихъа», – гъапнийи ич сюгъбатнаъ Халагъ гъулан амбулаторияин кIулин духтрин вазифийр тамам апIурайи **Юсуф Гюлягъмедовди**.

Макъалайин шилнаъди

Хизандин терефнаан зурба чухсагъул кIураза

Узу Хив гъулаъ яшамыш шули гизаф йисар вуйиз. Йиз уьмриб гизаф ужвалин ва саспи вахтари харжи-валин ляхнарра гъяркъюнузу. Амма халкъ бадали гъизигу зегъмет – ккиву рякъяр, диву булагъар ва жара ужудар хайирлу ляхнар – халкъдин кIваълан гъягъюрдар ва сар касдира кIваълан гъаьну ккундар.

Узу «Табасарандин нура» газат урхури, терелеперадача «Мил» ва Хив телеперадачайиз лигури шулуза.

Магъа декабрин 2023-пи йи-сан «Хив» телеперадачайиз гъили-гунза ва «Табасарандин нура» газат-тра гъурхунза. Журналист **Мейлан**

Нежефовди чан «Гъуланариз му йигъра гъябкъну» макъалайи, фици Мажвгларин гъулаз Чере гъулан багъдигъ буругъ йивну, насосаринди 2 км артухъ манзил ади убхъру шид адабгънуш, бикIура.

Му ужуб хайирлу ляхин «Хив» телеперадачайи тасдикъ апIурайи, Мажвгларин гъулаъ фициб машквар айиш, гъуландин машнаъ шадва-лиан рябкъюрайи.

Му шадлу йигъинжагъ гъябкъу узу кIваантIан йиз хизандин тереф-наан му ляхин кIулиб адабгъу **Айна Балалиевайиз**, гъацир риш аьхю гъапIу дада **Мая Мягъямедбеговайиз** ва вари **Мягъямедбеговарин** тухум-

диз зурба чухсагъул кIураза.

Узу Мажвгларина гизаф гъушур вуза, гъулан дарра ужуйи агъязуз. Хулаз хялижвара къабул апIуз ккуну инсанар ву.

Дугъриданра гъул штухъди гизаф къитди (зайифди) вуйи. Хъадан къур вахтари гъюри айи шидра хъубкъуйи.

Гъи гъаму ужуб манфаябтан, хайирлу ляхин мажвгларин жямаяб-дизра кIваантIан мубарак апIураза; гъулаз гъюрайи шид кам дарибшри, шаду мажлисариш ишлетмиш апIруб ишри.

Хъа Мажвгларин гъула ухъу кIваълан гъаьну ккундар, гъаз гъапиш Хив райондин гъулариз газ зигайиз гъаму гъулан яркварарин гизаф гъу-ларин гъюри, къюрдуз гакIвлар гъа-хури гъахъну. Йиз гъадрарин гъулан-дарин кюмек дапIну, Гъурна дерейиз гакIвлар гъуху вахтра гъабхънийиз.

Мажвгларин гъуландин гафари-инди, гъунши терефариан гъулаз шид зигуз гизаф вариантIарра ади гъахъ-

нушра, хил гъабккруп гъахъундайи.

Гъамусяабтна гъилигиш, штухъди тямин дару гъулар тек-биртIан адар-шул. Убхъру шид саспи гъулариз варж тонндихъна гъюрашул, гъади-кан къялан гъисабаринди 5-10%-тIан ишлетмиш апIурдархъа, имбуб вари чIагинди нириз гъябгъюра. Гъамциб вахтна гъуншдиз кюмек апIуз хай шулу.

Узуз гъамцира пуз ккундазуз: газ хъгадабтIри, эгер хътабтIиш, хъана мажвгларихъна ккугъарихъ хъахъру-хъа.

Абийрин мисаларра ухъу кIваълан гъаьну ккундар:

– Ярхла айи гъардаштIан, багахъ хъайи гъунши ухди герек шулу.

– Ужур гъунши гъахъиш, кечел ришра швуваз гъахуру.

Гъациб йигъ улубкъган, гъунши гъул гъунши гъулаз даягъ духхъну ккунду.

Г.М. Гюлечов,
Хив гъул

<p>УЧРЕДИТЕЛЬ: Агентство информации и печати Республики Дагестан</p> <p>Главный редактор Г.Н.МАЛЛАЛИЕВ</p>	<p>Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан</p> <p>Регистрационный ПИ № ТУ05 – 00406 от 15 апреля 2019 г.</p>	<p>Телефон/факс: Гл.редактор: 66-15-89</p> <p>Ответ.секретарь: 66-15-90</p> <p>Редакторы отделов: 66-15-90; 66-15-91 8 (929) 869-47-43</p> <p>Кьимат – 10 манат</p>	<p>Авторы несут ответственность за достоверность представленных для публикации материалов.</p> <p>Рукописи не рецензируются и не возвращаются</p> <p>Индексы газеты: ПИ 992; ПП 320</p>	<p>Газета «Зори Табасарана» отпечатана в ООО «Издательство «Лотос», 367018, Республика Дагестан г. Махачкала, ул. Пушкина,6</p> <p>По всем вопросам качества печати обращаться в ООО «Издательство «Лотос»</p>	<p>Адрес редакции и издателя: Редакция республиканской газеты «Зори Табасарана» (367018, РД, г.Махачкала, пр. Насрутдинова, д. 1 «А»)</p> <p>Срок подписания в печать – 18:00 Подписано в печать – 16:00 Заказ № Тираж – 2001</p>	<p>12+</p>  <p>4 651116 280105</p>
--	--	--	--	--	--	---